


**Verso de Lazkao Txiki,
1989.**

Oso ispilu eder polit bat
didate aurrera ekarri,
eman duenak jakingo zuen
mutilzar zar honen berri,
gazte dan arte hau izaten da
gazte guztien pozgarri,
zartutakoan ez da beiratzten
gaztetan hain bezin sarri.

Aizak nik hiri bota behar dit
bertso koxkor bat edo bi,
behingoan jarri geranez gero
biok aurpegiz aurpegi,
neri begira hortik daduzkat
alperrikako bi begi,
hik ez nauk noski ni ikusiko,
baina nik ikusten haut hi.

Neri begira jarrita, motel,
zertako hago honela,
ta pentsatzen dit aspalditxotik
ezagututzen hautela,
mutilzarraren moko horrekin
ez dek ematen motela,
azal zimurtzen ari haiz, motel,
Lazkao Txiki bezela.



Enlace: <https://www.youtube.com/watch?v=PVaHlxLk6V4>